



Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.
De septimo decalogi Præcepto. III. De octavo decalogi Præcepto. IV. De
Ecclesiæ Præceptis. V. De Sacramentis in genere & quibusdam in specie.
VI. De Pœnitentia. VII. De Matrimonio

Godeau, Antoine

Augustae Vindelicorum, 1774

Caput IX. Belli justi assignantur conditiones.

[urn:nbn:de:hbz:466:1-53587](#)

publicæ valde utilis infimæ notæ hominem, & Reipublicæ inutilem aggredieretur, huic non licet ob sui defensionem illum occidere, sed se potius deberet occidendum præbere. At si pueria se ab aliquo mox violandam cerneret, nec virginitatem suam aliter quam se occidendo servare posset, non illam homicidii damnarem; plures enim sanctæ virgines id fecere, quas Ecclesia veluti martyres honorat. Attamen credere non esse id a virginē patrandum, nisi peculiari Dei afflatus ad id se motam sentiret, vel nisi prudenter timeret a voluptate se illectam in turpem actionem consensuram. Cum enim pudicitia amittitur, nulla labes virginitatem poluit, nec præmium amittit, imo duplice a Deo coronam tunc accipit; sicuti respondit sancta Lucia tyranno, qui sibi stuprum minatus fuerat:
Si invitam jusserris violari, castitas mihi duplicabitur ad coronam.

C A P U T I X.

Belli justi assignantur conditiones.

Bellum magna est & inevitabilis homicidiorum occasio, quærique potest, an Christianis licet. Nostri temporis Anabaptistæ illud damnant, & Lutherus etiam adversus Turcas illud improbat; at catholica Ecclesia bellum interdum licitum esse docet.

Sanctum Joannem Baptistam interrogabant
& milites, dicentes: Quid faciemus & nos?
Et ait illis: Neminem concutiatis, neque caluniam

niam faciat: & contenti estote stipendiis vestris (Luc. 3.). Ethnicorum Imperatorum exercitus pleni erant Christianis, qui veluti cæteri & urbes oppugnabant, & cum hostibus congregabantur. Locutus est Dominus ad Moysen, dicens: Hostes vos sentiant Madianitæ, & percutite eos (Num. 25.). Präcepit quoque Dominus populo suo, ut destrueret Amalec: Percesserunt igitur & hunc cum filiis suis, universumque populum ejus usque ad internacionem (Num. 21.); promisit quoque, se in bello eidem opitulaturum: Nolite timere, Dominus pugnabit pro vobis (Exod. 14.). Ad Davidem autem ait Abigail: Prælia Domini tu præliaris (1. Reg. 25.). Ipse vero David ita canit: Benedictus Dominus Deus meus, qui dovit manus meas ad prælium, & digitos meos ad bellum (Psalm. 147.).

Sæpissimè Deus Christianos Imperatores belantes adjuvit vel contra infideles, vel contra rebellantes. Fulgida in cœlo Crux Constantino apparuit, circa quam hæc verba erant adscripta: In hoc signo vinces. Si privatis hominibus vitam suam licet defendere, vim vi repellere, & bona sua coram Judice vindicare; quomodo non licebit Principibus ditionem suam ab hostibus tueri, aut captas ab iis urbes armis repetere, aut illatam sibi injuriam, quæ regni honorem & felicitatem lædit, ulcisci? Bello Principes jura sua tueruntur, aut recuperant; illudque plerumque suscipere non modo possunt, sed debent; cum enim regna sua tueri debeant ac protegere,

E 5

caveant

caveant oportet, ne illorum turbetur quies, ne potentia labatur, neve splendor obfuscetur.

Prima conditio, qua bellum permittitur, est causæ *justitia*; soli enim Principes, qui omni Religionis sensu carent, bella gerunt ex iusta causa, ob vindictam, vanitatem, & superbiam.

Secunda belli conditio est, ut qui bellum ciet, legitimam belli gerendi habeat *autoritatem*. Oportet ergo, ut Rex, aut Reipublica Princeps pro communi bono bellum gerat. Regnorum suorum defensio, usurpatarum ditionum recuperatio, gravium atrociumque injuriarum negata satisfactio, jurium suorum conservatio, rebellium punitio, sociorum protectio, iusta sunt belli causæ; at veræ Religionis defensio sanctior est belli causa, pro qua Reges nostri maria transmittere, & infidelibus bellum inferre non dubitarunt, ut Palæstinam ab illorum jugo liberarent.

Tertia conditio est, ut belli gerendi res sit *intentio*, ne pravis nostris cupiditatibus obsequamur, ne regni amplificandi, aut famæ acquirendæ causa ducamur: *Pacem habere debet voluntas, bellum necessitas* (inquit sanctus Augustinus de Civit. l. 5. cap. 24.). Tot peccatorum bellam est occasio, & tot assert mala, ut ex sola necessitate sit suscipiendum; ipsosque inter belli strepitus pax jugiter est optanda. Ita filios suos docet Ecclesia. Theodosium a bello redeuntem hortatus est sanctus Ambrosius, ut aliquamdiu a sacra Synaxi abstineret, non quia pec-

peccasset, sed oblatæ super altare viætimæ causa,
quæ pacis est hostia.

Bello non se immisceat odium; & ubi injuriarum satisfactionem hostis offert, aut bona vel ditiones occupatas restituit, debet Princeps arma deponere, quoniam belli gerendi causa sublata est. Durante bello non damna quælibet hostibus inferre licet, sed illa solum, quæ ad illos vincendos, & ad jus suum vindicandum prosunt. In Deuteronomio hæc Deus Judæis præcepit: *Si quando accesseris ad expugnandum civitatem, offeres ei primum pacem. Si* receperit, & aperuerit tibi portas, cunctus populus, qui in ea est, salvabitur, & serviet tibi sub tributo. *Sin autem fædus inire noluerit, &* ceperit contra te bellum, oppugnabis eam. Non succides arbores, de quibus vesci potest, nec secubibus per circulum debes vastare regionem, quoniam lignum est, & non homo, nec potest bellatum contra te augere numerum (cap. 20.). Non ergo hostium regionem vastare licet, nisi ad victoriam omnino esset necessarium; & humanitatem semper aliquam fratribus suis præstare debent Christiani; nec barbarorum mos est imitandus, qui flammis omnia tradunt, & indelebilis furoris sui relinquunt vestigia. In urbium expugnatione clari Duces magnas semper crudelitates prohibuerunt, eas subegisse contenti; cum vero eas militibus depopulandas reliquerunt, incendia vetuerunt & stupra. Hominum enim more, non ferarum bellum est exercendum.

Porro

Porro quemadmodum Princeps pie ac serio belli causas debet perpendere, nec temere bellum suscipere, ita nec milites, nec subditi belli justitiam examinare tenentur: sufficit, ne prosras injustum credant, & in dubio Princeps sequendus est, illique obtemperandum. Si vero milites extranei sint & stipendiarii, non possunt Principi militare, nisi certo putent bellum esse justum: id debent attendere, qui Principi cuncte militant, nec examinant utrum justum sit bellum, necne. Qui pro infidelibus contra Christianos pugnant, excusari nullatenus possunt, & apostatae quodammodo fiunt.

Princeps injustum bellum gerens damna omnia, quorum causa est, resarcire tenetur. At si revera justum sit bellum, sed non recta sit Principis intentio, peccat quidem, non tamen ad restituendum adstringitur.

Hic autem Principis de Conti nequeo præterire exemplum, quod Gallia tota mirata est. Postquam malo ductus fato adversus Regem suum pugnavit, arma posuit, & cum Rege in gratiam rediit; majus autem a Deo beneficium accepit; pœnitentiæ scilicet gratiam. Peccatum namque suum ingentibus austeritatibus expiare curavit, verum & provinciæ suæ locis illata damna reparare fategit: hæc diligenter recenseri jussit, magnamque pecuniæ vim illuc misit, qua belli damna ab incolis passa sarciret. Si novum quempiam Casuistam consuluisset, probabilibus saltem rationibus a restituendi onere fuisse emptus; sed Evangelii tantum regulis paruit, quas pius Episcopus fideliter illi explicavit.

CAPUT